

河陰縣志目錄

卷一

圖 疆域總圖 疆域分圖 縣城圖 公署圖 學校圖

卷二

沿革考

卷三

疆域考 位置 形勢 氣候 道里 交通 區域

卷四

山川考 (山脈) 山陰 山原 (河渠) 河水 濟水
汴水 索水 澶潏

卷五

建置考
城池 街市 官署公廨 壇廟 坊表

卷六

古蹟考
城砦 亭臺 宮 倉塲 道 鄉里 祠廟 田園 頂 澗谷 溝渠 隄防 津渡 井泉 墳墓

卷七

民賦考
丁戶 地糧 漕米 灘田 歲入 經常費 歲出 經常費

卷八

風俗物產考
風俗 習尚 言語 禮儀 歲時 物產 天然物 製造物

卷九

學校考
廟祠 祀典 書籍 學田 學區 學務 機關

卷十

兵事考

卷十一

藝文考

明 清

卷十二

職官表

唐 宋 明 清 民國

卷十三

選舉表

元 明 清 民國

卷十四

宦績傳

唐 宋 明 清

卷十五上

人物傳一
元 明 清

卷十五下

人物傳二
宋 明 清

卷十六上

列女傳一
明 清

卷十六下

列女傳二
清 民國

卷十七

雜記
記地 記事 記人 記言

附金石考二卷文徵三卷

河陰縣志卷十四

宦績傳

河陰宦績著於申志者至康熙時而止祀於瞽宗者亦至康熙時而止雍乾以下見於省志及蘇氏所紀周氏所錄者又多缺畧始末不具溯自開元置縣距今已千數百年矣其政績可稱者有唐一代止一人宋一人元無人焉明清兩代雖稍稍有所稱述而軼於記載囿於見聞與格於義例者又不能備書則夫拾遺補闕徵文考獻仍不能不有待於後之人夫令長親民之吏也其在官有惠政者其解任必有去思非官之要譽於民亦非民之貢諛於官也

上感下應自不容已耳降至丞尉司鐸位雖卑微職守則一苟有實心豈無遺愛如楊忠愍之爲典史海忠介之爲教職又何嘗不激清風作士氣而使人嚮慕不置乎然則位無大小時無久暫亦在人之自盡而已矣觀往知來能無惕然懼奮然起歟作宦績傳

案申志名宦皆自有傳凡未祀名宦者入職官詳畧錯雜頗病其蕪茲旣另列職官表復取其政教可傳者入宦績傳惟申志文字簡畧率多斷而不叙不免如章實齋所訾然人往風微藉資矜式固猶是闕疑待訪之意耳大雅閎達倘不以泛濫爲譏

唐

縣令羅立言宣州人貞元中擢進士魏博田弘正表佐其府改陽武令以治劇遷河陰立言始築城郭地皆富豪大賈所占下令使自築其處吏籍其濶陜號於衆曰有不如約者爲我更完民憚其嚴數旬畢民無田者不知有役設鎖絕流姦盜屏息河南尹丁公著上狀加朝散大夫改度支河陰留後

節唐書本傳

宋

發運判官宋昌言趙州平棘人字仲謨綬從子以廕爲澤州司理參軍稍遷河陰自濟源之官見道上棄尸若剮剝

狀者甚衆竊歎郡縣之不治旣至河陰得凶盜六輩殺人而鬻之如是十餘年掩其家猶得執縛未殺者七人縣吏與市井少年共爲胥橐昌言窮治其淵藪皆法外行之而流其家人擢都水監丞轉少府監卒

節宋史本傳

明

知縣劉茂江南江寧人洪武初任公廉有爲力行善政時以河患徙邑治廣武南又值兵革之餘能盡心撫綏凡廨舍廟宇皆經營創治吏民悅服有古循良風祀名宦

參明一統

志開封府志及申志

縣丞胡澄浙江諸暨人洪武初任以德導民清稱甚著時

境內有虎爲害及澄至虎皆徙去

開封府志

教諭秦景瑗字亦遽山東鄆城舉人洪武間任整躬率物

以理訓士

本申志

教諭蔣迪原江南松江府華亭舉人永樂間任課誦勤懇

不愧模範解職後貧不能歸遂家焉

本申志

楊福武功人甘貧嗜學居寶意上方從遊及門者殆將百
人福每鷄鳴而起寒暑風雨無所間後除河陰訓導以所
教於寶意者教之士子沛然從焉至今河陰人猶稱福善

教不忘也福後卒於河陰

見康海武功志

知縣吳鼐字宗周陝西咸寧人成化間任尋調陳留瀕行

士民攀轅飲泣鑄石頌德和維爲之記

參申志案申志云記見藝文今藝文

失載碑亦無存

典史劉惠正德七年流寇肆虐惠修城隍建角樓設墩舖

極力堵禦邑人賴之粗安

參申志及蘇志稿

知縣周于德字汝新直隸合肥人贈順天府府丞忠愍公

璽之孫也嘉靖三十七年由許州判官署任課農桑表節

義恤焚獨均賦役修學宮振士氣咸有成績

參蘇志稿朱睦㮮文廟碑

知縣吳承恩字公賜號平川江南桐城選貢嘉靖間任重

風烈好施予寬嚴並濟明斷如神嘗表張節婦墓助陳司

訓喪決疑獄十三案釋無辜者十一人巡撫葛守禮舉循

良第一後以大母憂去邑人勒去思於石祀名宦

參通志申志

教諭張弘基鞏縣貢生明中葉任砥躬勵行化導有方周

恤孤寒祀名宦

本申志

教諭楊允京字維高號鏡凡廣西容縣舉人萬曆間任三

載陞溫令解組歸復過河陰蠲俸置學田十二畝贍養寒

士

事見楊公學田記

知縣張素成化間任適歲大祲餓殍載道又承凋敝之餘
百蠹孔亟憂形於色力求拯救之方曰是不可以他求者
也爲之在我由是簡訟獄罷追呼節厨傳平市價裁靡文
息奢風一意與民休息歲餘病者興困者蘇翕然大治庭

無敲朴之煩齋有垂簾之靜隸卒倚其杖於壁兩兩立左

右結絲網以資用有太古之風

蘇志稿引錢儀吉獻徵錄

知縣封源潔字益齋江南大興縣選貢嘉靖間由滎陽尹

調任正供之外秋毫無取廉正之名感及盜賊瀕行民立

生祠紫雲宮側祀名宦

參申志及蘇志稿

知縣蔡道充字起大別號鶴皋湖廣江陵舉人萬曆年任

博學能文政暇輒集諸生講論至忘寢食邑人自是多登

賢書者又修學宮創建文昌閣奎星樓士論快之

參申志蘇志稿

知縣胡襄明字爾禎號桂宇臨清籍浙江山陰舉人萬曆

四十七年任創修興文書院士風丕變

參申志及蘇志稿

知縣王堯鸞陝西漢中舉人崇禎末年任逆闖披猖破毀

城池堯憲重建之

參申志及蘇志稿

典史黨瑾陝西富平人崇禎間任是時土寇蠭屯蟻聚大

吏多離汎走匿黨獨與城俱斃祀忠義

本申志

典史宋希顏山西介休人崇禎末年任當流寇蜂起時希

顏簡練鄉兵步伐斬然賊過境每以勿撓宋尉鋒爲戒後

賊來日衆希顏力竭戰死祀忠義

參申志及蘇志稿

清

知縣王文燁字郁甫號鼎實山東膠州恩貢順治二年任
草昧之初兵火方定文燁除苛政編保甲收輯遺黎設法

勸墾人心悅服祀名宦

參開封府志申志

知縣孟世勲字鈞衡奉天遼陽生員順治六年任先是邑有石榴名三十八子歲有常供明季兵燹迭經佳種殆絕供者苦於需索輒至破家及世勲蒞官力請蠲免民至今德之祀名宦

參申志及蘇志稿

知縣沈天駿江南華亭恩貢順治中任以寬化民不尙嚴

肅

本蘇志稿

知縣李延年直隸河間衛舉人順治末年任嚙笑不苟胥

吏屏息秋霜之下民無容好

本申志

知縣陳世任字允大福建侯官舉人順治末年任丰姿肅

洒局度安詳不事鞭笞而賦稅無缺嘗召集民間俊秀循

循善誘若師長然

本申志

知縣陳國泰山西稷山拔貢康熙年任性樸而慈一介不

取雅好文藝以忤大吏去職

本申志

知縣焦蒸露真定府曲陽縣拔貢康熙初年任峻厲明肅

人不敢犯

本申志

知縣程象輅陝西韓城縣舉人康熙十年間任性嚴毅胥

吏不敢奸士子入大觀社者輒親臨講論夜分忘倦大吏

謂其非簿書之寄左遷不就卒祀名宦

本申志

知縣胡養正字聖功陝西永昌籍蘭州人歲貢康熙十六

年任奉文清丈地畝剔弊釐奸飛洒之害自此少息祀名

宦

本申志

知縣岑鶴字羽長江南建平進士康熙間任下車後周歷四境卽遣去家屬曰民不堪此累也常布衣行阡陌間與農畝談桑麻瑣務遇貧無力者輒從衣帶間出金資其牛種並著區田引勸儉說化民適大祲煮糜以振就食者恒數百人歲旱禱雨輒應飛蝗過境祝蝗不食苗事聞上賜衣一襲遷州牧厯春官郎祀名宦

參申志及蘇志稿

教諭王家璽汝陽縣歲貢莊肅自持爲多士所矜式講學課文寒暑不輟陞江南鎮江府經歷

本申志